

Sibthorp, John ; Smith, James Edward [Editor]: Flora Graeca, sive plantarum rariorum historia, quas in provinciis aut insulis Graecis legit, investigavit et depingi curavit John Sibthorp: hic illic etiam insertae sunt pauculae species quas vir idem clarissimus, Graeciam versus navigans, in itinere, praesertim apud Italiam et Siciliam, invenit (Voluminis primi - Fasciculus primus): Vol. I.

London, 1806

Seite 61

DIANDRIA MONOGYNIA.

13

TABULA 16.
SALVIA CALYCINA.

SALVIA foliis ovatis crenatis planis reticulato-venosis incanis, calycibus trilobis dilatatis retusis mucronulatis.

S. orientalis frutescens, foliis circinatis, acetabulis moluccae. *Tourn. Cor.* 10.

In monte Hymetto prope Athenas. Floret Julio. ♀.

Habitus et odor prioris. *Caulis* crassus, lignosus, tortuosus. *Folia* opposita, petiolata, ovata, obtusa, plana, nec undulato-crispa, crenata, reticulato-venosa, undique tomentoso-incana. *Petioles* canaliculati, tomentoso-nivei. *Rami floriferi* erecti, elongati, subaphylli. *Verticilli* quatuor aut sex, approximati, bracteolati, saepius quadriflori; infimi pedunculati, compositi. *Flores* pedicellati, magnitudine praecedentis. *Calyx* ferè campanulatus, nervosus, pubescens, resinoso-punctatus; margine valdè dilatato, scarioso, colorato, venoso, lobis rotundatis, retusis, integerrimis, mucronulatis, superiore latissimo et saepè bifido. *Corolla* calyce vix triplò longior, ringens: labio superiore fornicato, rotundato, pallidè violaceo, extùs villosus; inferiore roseo, quadrilobo, subrepando, anticè albido, immaculato. *Stamina* et *stylus* praecedentis. *Semina* subglobosa.

Distinctissima a *Salvià acetabulosâ* Linnæi.

a. Calyx.

b. Corolla, stamina et stylus.

c. Semen maturum.

TABULA 17.
SALVIA TRILOBA.

SALVIA foliis ovatis crenulatis rugosis subtùs lanatis basi auriculatis, calycibus quinque-dentatis acutis.

S. triloba. *Linn. Suppl.* 88. *Willden. Sp. Pl.* v. 1. 130. *Vahl. Enum.* v. 1. 224.

S. cretica pomifera Clusii, flore albo. *Tourn. Cor.* 10.

S. cretica pomifera et non pomifera. *Clus. Hist.* v. 1. 343.

S. baccifera. *Bauh. Pin.* 237. *Tourn. Inst.* 180.

Φάσκιος, ἢ ἀληφασκιδὸς hodiè.

Φασκομηλιά in Peloponneso.

In Archipelagi insulis, et per totam Græciam, locis asperis et apricis, frequens. ♀.

Caulis fruticosus, minùs tamen quam in praecedentibus crassus et lignosus. *Rami* quadranguli, foliosi, lanati. *Folia* petiolata, ovato-elliptica, obtusiuscula, crenulata, reticulato-venosa, rugosa; suprà tomentoso-incana; subtùs lanata; basi perumque auriculata, auriculis folio conformibus at longè minoribus, subæqualibus,

VOL. I.

E